

Imigassat aalakoornartortallit eqqunneranni akitsuutaannut naleqqussaaneq.

Apeqqu 1

Naalackersuisunut ilaasortap akissutaani erniinnaq takuneqarsinnaavoq, ullumikkut iluanaarutip allanngunninnissaa qulakkeerniassagaanni ullumikkullu atuineq allanngortinneqassanngippat, assigiimmik nutaamillu akitsuuseeriaaseq atorlugu viinnit nalinginnaasut, qanorluunniillu annertutigisumik aalakoornartutigut kimittussusillit, akeqartariaqassasut 54 kr. 61 kr.-nillu akornanni. Iluanaarutip ullumikkumut naleqqiullugu allanngunninnissaa qulakkiisagaanni assigiimmik akitsuusiinerup kingorna akitsuutip qanoq atsigerpiarnissaa Naalackersuisunut ilaasortamik qanoq isumaqarfigineqarpa? Missingersuutaajumaartussa eqqornerpaajoqqugaluarpaa, naatsorsuineq Inatsisartuni aalajangiutassatut siunnersuutaasussamut tunngaviusinnaasariaqarmat?

Akissut

Immersukkami ataaniittumippat imigassat aalakoornartortallit 9,1-imiit 15,09-mut aalakoornartumik kimittussusillit 2005-mi eqqunneqarsimasut pillugit takussutissiaq.

	Annertussuseq literi	Pct.-inut agguarneri	Maannakkut akitsuutit	Akitsuutinit iluanaarutit
9,1 – 11,09 %	72.643	8,62 %	47,00 kr.	3.414.242 kr.
11,1 – 13,09 %	666.556	79,10 %	54,00 kr.	35.994.046 kr.
13,1 – 15,09 %	103.434	12,28 %	75,00 kr.	7.757.554 kr.
<i>Katillugit</i>	842.634	100		47.165.842 kr.

Malugeqqunngitsoorumangu taaguut ”viinnit nalinginnaasut ” aamma viinninut qulaani aalakoornartumik kimittussutsinit taaneqartunit qaffasinnerusunut aamma atorineqartarmat.

Akitsuutitigut ilunanaarutit nunatta karsianit isertinneqartarnissaat tunngavigineqarpat naatsorsuutigineqassaaq inatsisartunut ilaasortamit siunnersuutigineqartutut akitsuutit aqqissugaanerisa allanngortinnerisa kingunerissammassuk atuinerup annertussusiatigut appaallattoqarnissaa, tassami 2005-imi atuinerup 88 %-ingajaa qaffasinnerusumik akitsuuserneqartussaassammat.

Atuineq 2 procentimik appartussatut naatsorsuutigineqarpat 9,1 – 15,09 procentilinnut maannakkut akitsuutaasut atorlugit akitsuut taava literimut 57,12 kr.-iussaaq.

Soorlu siusinnerusukku inatsisartunut ilaasortamut akissuteqarninni oqaatigineqareertoq imigassat tungaatigut akitsuuseeriaatsip allanngortinnissaa isumaga naapertorlugu naapertuutinnigilaq. Ilaatigut tupigusuutigaa inatsisartunut ilaasortaq isumaqarmat atuisut 88 procentii akitsuutinik suli annertunerusunik akiliisalerinissaat, taamaalilluni atuisut 12 %-iusut viinninik annertunerusunik aalakoornartortalinnik pisisartut akikinnerusunik akiliisalerlutik. Taamatut allannguinissaaq maannakkut akitsuuseeriaatsip tunuani tunngaviusumik siunertaasunut, imigassat annikinnerusunik aalakoornartortallit imigassanit annertunerusunik aalakoornartorta-

linnut naleqqiullugit volumenprocentimut appasinnerusumik akitsuusersuinermit naaper-tuutinnigilaq. Aamma inatsisartunut ilaasortatut siunnersuutigineqartut allanngineq tulle-riiaarinermi ingerlatsinikkut naleqqutissanngilaq. Viinnit allanut naleqqiullugit aalakoornar-tortalimmik appasinnerusumik imaqartut tamatigut pisiarineqarnerani akii (akitsuutilinngin-nerini) appasinnerusarput, viinnullu aalakoornartortalimmik qaffasinnerusumik imaqartut pisiarineqarnerani akii (akitsuutilinnginnerini) qaffasinnerusarlutik. Viinnit aalakoornartorta-limmik qaffasinnerusumik imaqartut akimikkut apparaluarpata, taava viinnit taakku allanut naleqqiullutik niuertarfinni pisiarissallugit allanut naleqqiullutik sulii akisunerussapput.

Apeqqu 2

Naalakkersuisuni ilaasorta q isumaqataava, viinni nalinnaasoq, procentimik aalakoornar-tumik annertussutsimigut kimittussusaa eqqarsaatiginagu, assigiimmik akitsuuserneqassap-pat, Nunattalu Karsianut iluanaarut katillugu ullumikkut annertussuseqassappat, una ki-ngunerissaneraa, viinni nalinnaasoq ullumikkut akikinnerpaaq, aalakoornannginneerpaarl-akisunerulaalissasoq, ullumikkullu akitsuuteqarnerusooq vinni nalinnaasoq taamaaqataani akikinnerulaalissasoq?

Akissut

Isumaqatigaara viinninut nalinnaasunut akitsuutit assigiimmik akitsuuserneqarpata kingune-rissagaa viinnit nalinnaasut aalakoornartortaqaqnginnerusut annertunerusumik akitsuuserne-qassasut, viinnillu nerrisit aalakoornartortaqaqarnerusut annikinnerusumik akitsuuserneqarlutik. Tamanna aamma isumaqarpoq viinnit nerrisit nalinnaanerusut annertunerusumik akitsuuserneqassasut.

Akitsuutit allannornerisa annertoqqaataannik niuertarfiit atuisunut akit nikerarneri iluarsis-sagaat tunngavigaanni viinnit nalinnaasut aalakoornartortaqaqnginnerusut ullumikoornit akisunerungaatsiannngussapput. Aamma viinnit nalinnaasut nalinnaanerpaat sulii maan-nakkornit akisunerulissapput. Akerlianilli viinnit nalinnaasut aalakoornartortaqaqnginneru-sut akikinnerulissapput, viinnilli taakku sulii allanut naleqqiullutik niuertarfinni pisiarissallugit akisunerussapput, tassami akitsuutilinnginnerini pisiarineqarnerani akii amerlanertigut qaffa-sittarmata.

Apeqqu 3

Naalakkersuisuni ilaasortamit ataani atsiortoq isumaqatigineqarsinnaava inatsisit tungaati-gut iluarisinnissap tungaa ajornaquteqarnaviannngitsooq akitsuutit tungaata malittarisassaasa ullumikkut atuuttup, taamaalilluni innersuussineq akileraarusersueriaaseq akitsuusersuinerlu pillugit ataatsimiititaliaaneersoq uunga apeqqummut ilanngunneqassasoq malittarisassanut atuuttunut, saniatigullu ullumikkut atuuttusoq procentimik aalakoornartumik annertussutsi-migut kimittussusaata annertussusaa apeqquataatillugu imigassanik aalakoornartortalinnik allanik eqqussinermi akitsuusiisarneq tigummiinnarlugu?

Akissut

Viinninut nalinnaasunut assigiimmik akitsuusersuinissamut marlunnik periarfissaqarpoq. Periarfissaq siullermi viinnit nalinnaasut immikkoortillugit akitsuuserneqarsinnaapput. Pe-riarfissap aappaani maannakkut akitsuuseeriaatsimi aalajangersimasumi imagassat aalakoornartortalinnut assigiimmik akitsuuseeriaaseq atornerqarsinnaavoq.

Periutsimi siullermi tunngavigineqassaaq viinnit naliginnaasut qanoq paasineqarnissaat pillugu isumannaatsumik immikkoortinneqarsinnaasariaqarput, taamaalilluni viinnit naliginnaasut imagassanit aalakoornartortalinnit allanit immikkoortinneqarsinnaalerlutik, ilanngullugit imigassat akorneqarsimasut, druuat, qaqorteqqasut assigisalluunniit tunngavigalugit suliarineqarsimasut.

Periutsip aappaata kingunerissavaa viinnit naliginnaasuunngitsut imigassat aalakoornartortalit allat, soorlu immiaaqqat imagassallu akorneqarsimasut, viinnit naliginnaasutut aalakoornartortaqlutik imaqtartut viinnit naliginnaasut assigalugit akitsuuserneqassallutik.

Viinnit naliginnaasut naammaginatsumik erseqqissumik immikkoortinneqarsinnaaneri tunngavigigaanni periutsit taakku marluk arlaat atorlugit inatsisitigut siunnersuusiortoqarnissaanut ajornaquteqarnaviannigilaq.

Apequt 4

Naalackersuisuni ilaasortamit ataani atsiortoq isumaqatigineqarsinnaava, viinnip naliginnaasup nioqutissatut eqqunnerani akitsuusiisarnep piuminarnerulersinnissaanut, akile-raarusersueriaaseq akitsuusersuinerlu pillugit ataatsimiititaliaata siunnersuineru malillugu, pisiat procentiisa annertussutsimikkut sakkortussusaata eqqunngitsumik nalunaarusiaasinnaasartut tunngavigalugit akitsuutip ilaannaanik unioqutitsinikkut akiliisinnaanertut ullumikkut periarfissaq pinaveersaartinneqarsinnaassammat?

Akissut

Soorlu apequt 3-mut akissummi taaneqartoq periutsit taakku marluk atorlugit viinninut naliginnaasunut assigiimmik akitsuusersuisoqarsinnaavoq. Periutsit taakku marluk arlaata eqqunngitsumik paasissutissiinikkut akitsuusersuinerlu peqquserlunniarsinnaanermik soqutiginnittoqarsinnaanera pinngitsoortissinnaanngilaat.

Taamaalillunga inatsisartunut ilaasortap apeqqutaani isummat saqqummiunneqartut isumaqataaffiginngilakka.

Apequt 5

Naalackersuisunut ilaasortamit isumaqatigineqarpa, siunnersuutigisatut piuminarnerulersitap taamaattup aqunnissaa piuminarnerussannginnersoq, ullumikkut malittarisassanut atuuttunut naleqqiullugit, taamaaliornikkuttaarmi aamma allaffissornikkut sipaarutaasinnaasoq annikikkaluartoq anguneqarsinnaammat?

Akissut

Isumaqataannigilanga viinninut naliginnaasunut assigiimmik akitsuusersuinerup ullumikkut malittarisassanit atuuttunit aqutsineq pisariinnerulissasoq, soorlu aamma allaffissornikkut sipaaruteqarsinnaaneranut isumaqataannigisunga.

Taamaalillunga apequt 4-p akissutaanut innersuussivunga.

Apequt 6

Naggataagut piumasarissavara akileraarusersueriaaseq akitsuusersuinerlu pillugit ataatsimiititaliaata inaasutaata naatsumik skema atorlugu nalunaarsorneqarnissaa, tassani takuneqarsinnaassalluni inassutaasut sorliit

- a. *suliarineqarsimangersut/suliarineqaleruttortut*
- b. *Suliassatut Naalackersuisuniit kissaatigineqartutut isigineqartut*
- c. *Suliassatut Naalackersuisuniit kissaatigineqanngitsutut isigineqartut.*

Akissut

Immersugagaq ataaniittoq suliarineqarpoq ”Kalaallit Nunaanni akileraarusersueriaaseq akitsuusersueriaaserlu pillugit nunanut allanut sanilliussilluni nalunaarusiami” 27. marts 2003-meersumi kapitali 1.4 tunngavigalugu.

Inassuteqaatit	Oqaaseqaat
Ataatsimiititap piukkuppaa ullumikkut naleqquttumik aningaasarsianit akileraaruseeriaaseq atuuttusoq pigiinnerneqarnissaa. Ataatsimiititali inummut ilanngaatip qaffanneqarsinnaanera orniginartippaa, taannalu atuinerup akileraarusersorneqarneratigut aningaasaliiffigineqarsinnaalluni aamma aningaasarsiat B-t akileraaruteqaataasussaangitsunut maleruagassap atorunnaarsinneratigut.	Akileraarutitigut nutarterinerlut 2004-meersumut innersuussisoqarpoq, 2005-imiit atuutilersumut. Naalackersuisut atuinerup akileraarusersorneqarnerata annertusineqarnissaanut imaluunniit aningaasarsiat B-t akileraaruteqaataasussaangitsunut maleruagassap atorunnaarsinnissaanut maannakkut pilersaaruteqanngillat.
Ataatsimiititaq isumaqarpoq, anguniarneqartariaqartoq isertitat suulluunniit tamaasa assigiimmik akileraarusersorneqartariaqartut.	Siunnersuut pingaarnerpaatigut inatsisartut inatsisaat nr. 6, 11. november 2004-imeersukkut naammassineqarsimavoq.
Ataatsimiititap piukkuppaa akileraarutit aamma akitsuusiisarnermi periutsit allangortiternerisigut akileraarusiiffiusinnaasunit iluarsiissuteqarnikkut aammalu aningaasaqarnermi politikkimi taputartuutaasut allat maluginiarneqarnerisigut.	Tunngaviatigut Naalackersuisut isumaqataapput akileraarutitigut akitsuutitigullu malittarisassat iluarsineqartariaqarnerannut taamaalilluni malittarisassat aningaasaqarnikkut pissutsinut sapinngisamik annikinnerpaamik equngatitsilerlutik. Inuit aamma suliffeqarfiit assigiimmik isertitaqartut (assigiimmik akileraaruteqarsinnaassuseqartut) taamaalillutik assigiimmik akileraarusersorneqarlutik isertitat suuneri apeqqutaatinnagit. Ilutigisaanilli Naalackersuisut nassuerutigaa akileraarutitigut akitsuutitigullu malittarisassat piviusumik sunnuteqarluarsinnaaneri anguniakkallu kissaatigisat angunissaannut pisariaqartutitigut sakkussaallutik, Kalaallit Nunaanni atortussiat aatsitassanik pisut pillugit inatsimmut naleqqiullugu misissueqqaarnernut iluaquteqarnermulluunniit akuersissutigineqartuni akileraaruteqartussat pillugi amigartoorutit siumut utimullu nuunneqarnissaat pillugit immikkut ittumik malittarisassat naapertorlugit.
Ataatsimiititaq naliliivoq Kalaallit Nunaanni akileraa-	Ataatsimiititap isumaanut Naalackersuisut tunngaviati-

<p>rusersuinnermut periuseq, tassa sulinikkut aningaasarsiatigut akileraarusersuinnarani aamma aningaasaatinik akileraarusiineq malinneqartoq. Tassungaa atatillugu ataatsimiititaq isumaqarpoq, tungavigisaq naapertorlugu eqqortumik aalaakkaasumik, aningaasaataasinnaasut assigiimmik akileraarusersorneqalernerisigut, isertitat suminngaanneeraluarnersut eqqarsaatiginagu.</p>	<p>gut isumaqataapput. Maannakkulli aningaasaatitigut isertitat akileraarusersornerisa annertusinissaa pillugu siunnersuummik saqqummiussinissaminnut tunngavissaqarsimanngillat.</p>
<p>Ataatsimiititarli isumaqarpoq inuit pilertortumik iluanaaruteqarnerisigut akileraarusersuisarnek immikkuullarissaq atorunnaarsinneqartariaqartoq, taamaaliornikkut inuit iluanaarutaat tamaasa akileraarusersorneqaq-qullugit imaluunniit akileraarusiinngivittoqassalluni.</p>	<p>Naalackersuisut isumaat naapertorlugu aningaasaatitigut isertitat akileraarusersornerisa annertusinissaat pillugu eqqarsaasersuutitut atatillugu siunnersuut nalilersorneqartariaqarpoq.</p>
<p>Ataatsimiititap piukkuppaa selskabit akileraarusersorneqartarnerat tunngaviatigut naapertuuttumik eqqortumik aalaakkaasumik akileraarusuisoqalissasooq. Ataatsimiititap isumaa naapertorlugu tunngavimmigut akerliuvoq, allat aningaasaliissutaannut ernianut ilanngaasersuisoqarsinnaanerup saniatigut – eqqortumik pigaanni – killeqanngitsumik nalikilliliisoqarsinnaanera. Taamaammat ataatsimiititaq siunnersuivoq selskabinut akileraarutit atuuttuusup atuutsiinnarneqarnissaa akerlianilli nalikilliliisinnaanermut maleruagassasut sukaternerisigut, tassuunakkut ingerlatseqatigiiffiit pigisaasa nalillit naleqassutsimikkut naleerukkiartortarneri piviusorsiorpalunnerusunngortinneqarnerisigut.</p>	<p>Selskabit maannakkut akileraarusersorneqartarnerisa aalajangiussimaneqarnissaanut ataatsimiititap siunnersuutaanut Naalackersuisut isumaqataasinnaannngillat, taamatut pilersitsinissaq pillugu UKA 2006 (UKA 2006/30) siunnersuut naapertorlugu. Naalackersuisut aamma nalikilliliisarnermi malitarisassat annertunerusumik sukaternissaanut maanna piffissaasorinngilaat.</p>
<p>Ataatsimiititap aningaasaatit akileraarusersorneqalernissaat piukkutinngilluinnarpaa, akileraarusersuineq taama ittoq naatsorsueriaatsinut assigiinngitsunut ajornartorsiortisiliinnartarmat.</p>	<p>Ataatsimiititap inassuteqaataanut Naalackersuisut isumaqataapput.</p>
<p>Ataatsimiititaq siunnersuuteqarpoq namminerisamik ineqarnerit akileraarusersorneqartalissasut tassungalu tapiliullugit piginneqatigiinnikkut illuuteqartut.</p>	<p>Namminerisamik ineqarnermut akileraarusersuinissamut Naalackersuisut maannakkut pilersaaruteqanngillat.</p>
<p>Ataatsimiititaq piukkussivoq Kalaallit Nunaanni kingornussinermi tunissutisinermilu akitsuusersuisoqalissasooq.</p>	<p>Kingornussinermi tunissutisinermilu akitsuusersuisoqarnissaanut Naalackersuisut maannakkut pilersaaruteqanngillat.</p>
<p>Ataatsimiititaq isumaqarpoq pappiaqqanik nalilinnik naqissusiinermi akitsuut pillugu inatsimmi akiliuteqartitsinnginnissamut akuersissuteqartarnerit ersarissumik misissorneqartariaqartut, taamaaliornikkut akitsuut sunniuteqarlualuni iluanaaruteqaataalernissaanut aqqu-tissieqqullugu, isertitat agguataarneqarnerinut ajunngitsumik sunniuteqaataaleqqullugu.</p>	<p>Pappiaqqanik nalilinnik naqissusiinermi akitsuut pillugu inatsimmi akiliuteqartitsinnginnissamut tunngaviit ilaasa eqqarsaatigeqqinnissaata pisariaqarnera Naalackersuisut isumaqatigaat.</p>
<p>Ataatsimiititap isumaa naapertorlugu isumaliutersuuteqarnissamut pissutissaqarlualarpoq, qanoq annertutigisu-</p>	<p>Pissutit taakku pillugit maannakkut qulaajaasoqarpoq.</p>

<p>mik aalisarnermut pinngortitap tunniussinnaasaasa pi-sortanut iluaqutaalersinneqarsinnaanera (tassa ima paa-sillugu, amerlanngikkaluani pinngortitap tunniussin-naasaasa atornerqarnerisigut immikkut ittumik iluanaar-nikkut pissarsiaqarnikkut) aammalu inuiaqatigiinnut ta-makkiisumik isigalugu iluaqutaasinnaaneri.</p>	
<p>Ataatsimiititaq isumaqarpoq siunnerfigineqarsinnaasoq Inuussutissarsiutigut ilinniagaqarnermut sulisitsisut akiliutaannut (AEB) ullumikkut atuuttumit sulii qaffa-sinnerusumik akiliisitsisoqarsinnaasoq.</p>	<p>Sulisitsisut akileeqataassuteqartarnissaat inatsisartut inatsisissaattut siunnersuummit soorlu takuneqarsin-naasoq, Inatsisartut ukiakkut ataatsimiinneranni aap-passaaneerreqarluni pingajussaaneerreqarluni sulia-rineqartussami, Naalackersuisut isumaqarsimangillat akileqataassut qaffanneqassasoq.</p>
<p>Ataatsimiititap Naalackersuisut akileraaruteqaataasus-saannigsumik erniatigut tapiissuteqartarnerat inissia-nut, pilersitsinermut aamma ilinniagaqarnermut ani-ngaaserivinni ileqqaakkat akileraarutigut oqilisaaffi-gineqarnissaat pillugu maleruagassaasoq naliliigivisi-mavaa. Ataatsimiititaq siunnersuivoq naalackersuisut erniatigut tapiissutaat kiisalu aningaaserivimmit ernia-nit iluanaaruteqarnermut akileraarusiinnginnissaq atorunnaarsinneqartariaqartut.</p>	<p>Erniatigut tapiissutaat kiisalu aningaaserivimmit er-nianit iluanaaruteqarnermut akileraarusiinnginnissaq atorunnaarsinneqarnissaannut Naalackersuisut maan-nakkut pilersaaruteqanngillat.</p>
<p>Ataatsimiititaq siunnersuuteqarpoq aalaakkaasumik atorfirmut atatillugu ajunngitsorsiat tamarluinnaasa akileraarusersorneqarnissaat, immaqqa minnerpaaffilii-nikkulluunniit.</p>	<p>Immikkoortumi tassani immikkut ittunik Naalacker-suisut maannakkut pilersaaruteqanngillat.</p>
<p>Ataatsimiititap siunnersuutigivaa Kalalalit Nunaanni aningaasarsianit akileraarutit pillugit inatsimmi inger-latsinermut aningaasartuutit pillugit maleruagassaq pi-sariillisarneqarlunilu nutarterneqassasoq.</p>	<p>Immikkoortumi tassani immikkut ittunik Naalacker-suisut maannakkut pilersaaruteqanngillat.</p>
<p>Ataatsimiititap tapersuutigissavaa iluanaarutisianit aki-leraarusiisarnerni malittarisassat ullumikkut atuuttuusut allannguuteqartinnagit atuutsinnarneqassasut.</p>	<p>Naalackersuisut ataatsimiititap inassuteqaataanut isumaqataapput.</p>
<p>Ataatsimiititaq isumaqarpoq suliffeqarfimmik allan-gortiterisoqassatillugu qaqugukkulluunniit akileraar-tarnermi malittarisassaasut nalinginnaasut atuutsinne-qassanerini, taamaammallu ilaatigut ilalersorumanagu piuminaatsumik inatsisitigut pineqartumut malittarisas-sanik pilersitsisoqarnissaanik.</p>	<p>Suliffeqarfimmik allanngortiterisoqassatillugu akile-raarusiisanninnissaq pillugu Naalackersuisut maan-nakkut pilersaaruteqalersaannngillat.</p>
<p>Ataatsimiititap eqqumiiginartippaa kukkusoralugulu kinguaariit nikinnerannut paarlaasseqatigiittarnermi ilaqutariit iluini pisartut eqqunngitsuliornerusut, kingu-aariit nikinnerannut paarlaasseqatigiittarnermut allanut sanillutissagaanni. Ataatsimiititaq siunnersuuteqarpoq immikkuullarissumik malittarisassiorsimaneq atortussaajunnaarsinneqassasoq.</p>	<p>Malittarisassat atuuttut allanngortinnissaanik Naalak-kersuisut maannakkut pilersaaruteqanngillat.</p>
<p>Ataatsimiititap orniginartinnigilaa sulisut aktiaateqarne-</p>	<p>Naalackersuisut ataatsimiititap inassuteqaataanut isu-</p>

rannik immikkuullarissumik akileraarutitigut malittarisassanik pilersitsisoqassasoq.	maqataapput.
Ataatsimiititap nalilerpaa ilalernerqarsinnaasoq selskabit aatsitassarsiornermik ingerlassallit selskabit akileraarutaannik appasinnerusumik akiliuteqartinneqassap-pata, immaqalu aamma immikkuullarissumik paaajun-naarnermut atatillugu salinissamut aningaasatigut qu-lakkeeruteqarnermi malittarisassat tamatumalu kille-qanngitsumik amigartooruteqarsimanermi ukiuni ani-ngaasarsiorfiusuni tulliuuttuni ilanngaateqartinneqar-sinnaaneritut malittarisassat. Ataatsimiititali siunner-suutigissavaa, selskabit aatsitassarsiornermik ingerlas-sallit aningaasaliissutigisimasaminnit immikkuulla-rissumik ilanngaateqartinneqarsinnaanerannut malit-tarisassat atorunnaarsinneqassasut, taannami aningaa-sartuutaasimasunit ilanngaasiinermi 110 procentit angullugit ilanngaaserneqartarmat.	Selskabit aatsitassarsiornermik ingerlassallit aningaasa-liissutigisimasaminnit immikkuullarissumik ilanngaa-teqartinneqarsinnaanerannut malittarisassat atorunnaar-sinneqarnissaat pillugu Naalakkersuisut maannakkut pilersaaruteqanngillat.
Ataatsimiititap ilalerpaa inuussutissarsiuugalugu sulif-fiutilinnut selskabinullu akileraarutissanik annertussu-siliisarneq kommuniniit Akileraartarnermi Pisortaqar-fimmut nuunneqarsinnaaneramik. Ataatsimiititap isu-maa malillugu akileraaruserineq tamakkerlugu kommu-nimiit Akileraartarnermi Pisortaqarfimmut ilumut nuunneqartariaqarnerisuk sukumiisumik misissoqqinne-qartariaqartoq.	UKA 2006/29-mut, 30-mut aamma 32-mut innersuus-sisoqarpoq
Ataatsimiititap naammagittaalliorsinnaatitaaneq eqqar-saatigalugu siunnersuuteqarpoq naammagittaalliorsin-naatitaanerup aaqqissuussaanera pisariillisarlugulu sivi-killisinneqarsinnaasoq ullumikkut periuseq atuuttoq malillugu marloriarluni, siullermik kommissioni akile-raarusiisartumi tamatumalu kingorna skatterådimi naammagittaalliorsinnaanerit atorunnaarsinnerisigut.	Inatsisartut inatsisaannut nr. 6, 11. november 2004-imeersumut innersuussisoqarpoq.
Immikkut akuersissuteqartarneq akuersissuteqartarne-rillu eqqarsaatigalugit ataatsimiititap siunnersuuteqar-poq aalajangersakkat tamakkiisumik imaluunniit ilaan-nik toqqaannarnerusumik ilusilersuisoqartalernissaa in-nuttaasunit inatsimmi suut piumasaqaatanersut toq-qaannartumik takuneqarsinnaanngorlugit. Inatsisilior-nerni nutaani ataatsimiititap isumaa malillugu immik-kut akuersissutiliariumaakkani nutaani minnerpaamik killilimmik piffissaliisoqartarnissaa.	Immikkut akuersissuteqartarneq akuersissuteqartarne-rillu eqqarsaatigalugit aalajangersakkat kinaassuserne-qarnissaannut Naalakkersuisut tunngaviatigut isuma-qataapput.
Ataatsimiititap siunnersuuteqarpoq akileraarutissanut ilanngaasiinermi malittarisassat naleqqussaqullugit taamaaliornikkut siumoortumik nalunaarutit akileraa-rutissaviillu sapinngisamik assigiinnerunissaat anguni-arlugi, ataatsimiititattaq siunnersuutigaa eqqarsaati-	Akileraaruseriffiup qitiusumut katersornissaanut allan-gortiternissaanullu atatillugu siumoortumik nalunaa-ruteqartarnermi suliniutit Naalakkersuisunit nukittor-sarniarneqarput. Akileraarutissat sinnerinut tapiissutit appartinnissaannut Naalakkersuisut maannakkut pilers-

<p>gineqassasoq akileraarutissat sinnerisa 8 procentiusoq nalimmassarneqarnissaat erniat appariartorsorinarnerat naapertorlugu.</p>	<p>saaruteqanngillat.</p>
<p>Ataatsimiititaq isumaqarpoq akileraarutit sinnerinut akiligassat assersuutigalugu 12.000 kr.-nit tungaanut annertussusillit ukiumut tullermut siumoortumik nalunaarsuiffigineqarnerisigut akilersinniarneqartassasut.</p>	<p>Tamanna pillugu nalunaarummi nutaami malittarisassat ilanngunneqarnissaat Naalakkersuisut naatsorsuutigi-vaat.</p>
<p>Ataatsimiititaq isumaqarportaaq sulisitsisut akissarsisitsinerminni il.il. akileraarutit A-nik unerartitsisarnerat akiliuteqartarnerallu qulakkeerneqarnissaat siunertaralugu sulisitsisunik nakkutilliineq annertusarneqartariaqartoq.</p>	<p>Akileraaruseriffiup qitiusumut katersornissaanut allanngortiternissaanullu atatillugu siunertat ilaat tassaavoq sulisitsisunik nakkutilliinermik annertusaanissaq.</p>
<p>Ataatsimiititaq siunnersuuteqarpoq nioqqutissanik eqqussuinermi akitsuutit pillugit malittarisassat ilaasa allanngortinneqassasut:</p> <ul style="list-style-type: none"> -inuit viinninik, imigassanik tupanillu akitsuuteqanngitsunik eqqusseqqusaannginnerat atorunnaarsillugu, -immiaaqanik akitsuutilinnik eqqussuisinnaanerup killeqartinneqarnera atorunnaarsillugu, Nuuk Imeq-rup kisermaassisusaatitaaneranut piffissaliunneqarsimasoq naappat, -tassungalu atatillugu arsaarinnissinnaatitaanermut malittarisassat atorunnaarsillugit tassungalu taarsiullugu nioqqutissat pineqartut akitsuuserneqassasut, -sikaritsinut akitsuut qaffanneqassasoq sikaritsillu akisunerpaaffissalernerneqassasut, - angalasut nunamut isernerminni sodavandinik, kaffinik, tiinik, sukkulaatinik, tipigissaatinik neqinillu nasarsinnaasaasa killilerneqarnerat atorunnaarsillugu. Nakkutilliinerlu annertuumik akitsuusersersukkanut, imigassanut tupamullu, tamalaat atulerlugu. -nunamut isernermi tupanik imigassanillu akitsuuteqanngitsunik nassarsinnaatitaaneq atorunnaarsillugu. - ataatsimiititap siunnersuutigaa imigassanut akitsuusersuinermi najoqqutarisami viinninut naliginnarnut akitsuutip assigiisinneqarnissaa, - ataatsimiititap siunnersuutigaa neqinut akitsuutit atorunnaarseqqullugit. 	<p>Tamanna pillugu Naalakkersuisut maannakkut pilersaaruteqanngillat.</p> <p>Immikkoortoq maannakkut tamanut ammaanniarnearpoq.</p> <p>Tamanna pillugu Naalakkersuisut maannakkut pilersaaruteqanngillat.</p> <p>Tamanna pillugu Naalakkersuisut maannakkut pilersaaruteqanngillat.</p> <p>Tamanna pillugu Naalakkersuisut maannakkut pilersaaruteqanngillat.</p> <p>Tamanna pillugu Naalakkersuisut maannakkut pilersaaruteqanngillat.</p> <p>Tamanna pillugu Naalakkersuisut maannakkut pilersaaruteqanngillat.</p>

<p>- ataatsimiititap siunnersuutigaa Nuup Imeq-rup kisermaassisussaataitaneranut piffissaliunneqarsimasooq naaniariarpat sodavandit puuilu nammineq nioqqutissiat eqqussukkallu assigiimmik akitsuuserneqarnissaat.</p> <p>- ataatsimiititap siunnersuutigaa vandscooterinut akitsuut peerneqassasooq eqqunneqarsinnaajunnaarsitsinermillu taarserlugu.</p> <p>- ataatsimiititap siunnersuutigaa biilinit nalinginnanut taamatuttaaq biilinit usisaatinut anginernut mikinernullu assigiinngitsumik akitsuusersuisarnerup ajoqutai iluarsineqarsinnaasut imaluunniit annikillisinneqarsinnaasut, biilinit assigiinngitsunut akitsuutit nalimmassarnerisigut.</p> <p>- ataatsimiititap inassutiginnigilaa snescooterit sulinermut imaluunniit inunnit ataasiakkaanit atorneqarnissaat aallaavigalugu assigiinngitsumik akitsuusersorneqartalernissaat.</p>	<p>Siunnersuut suliarineqarpoq.</p> <p>Tamanna pillugu Naalakkersuisut maannakkut pilersaaruteqanngillat.</p> <p>Tamanna pillugu Naalakkersuisut maannakkut pilersaaruteqanngillat.</p> <p>Naalakkersuisut inassuteqarnermut isumaqataapput</p>
<p>Ataatsimiititaq isumaqarpoq pinguaatit aningaasanoorutit ”tillinniat illuinnarmik talillit” atorlugit iluanaarutaalluartartut ilaannik naapertuuttumik landskarsimut nakkartussanik inatsisitigut aqqustissiuussisoqarnissaa qulakkeerniarneqartariaqartoq.</p>	<p>Naalakkersuisut tunngaviatigut siunnersuummut isumaqataapput.</p>
<p>Ataatsimiititap siunnersuutigaa Kalaallit Nunaanni nukissiutinut akileraarusersuisoqartariaqartoq. Nukissiutinut akileraaruteqartitsilernissaq – innaallagissamut kiassarnermullu – nukissiutinut tapiissuteqartarnerit ullumikut atuuttut atorunnaarsinneqarnissaat utaqqineqarallartariaqassaaq. Siullertut ajornanngitsumillu biilinit angallatinilu orsussaq atorneqartartoq akileraaruserneqarsinnaavoq.</p>	<p>Nukissiutinut akileraarusersuisarinnisaq pillugu siunnersuuteqarnissamut Naalakkersuisut maannakkut pilersaaruteqanngillat. Immersukkami ataaniittumi oqaaseqaatinut innersuussisoqarpoq.</p>
<p>Ataatsimiititaq isumaqarpoq Kalaallit Nunaanni nalinginnaasumik atuinermut akileraarummik pilersitsisoqarnissaa eqqarsaatigineqartariaqartoq. Taamaattoqassappat momsi atorlugu akileraarusersuisoqartalersinnaavoq, aqqissuussinerit allat aamma eqqarsaatigineqarsinnaapput. Atuinermut akileraarummik eqqussinissamut piareersimasutut misiginngikkaani ullumikkut akitsuuseriaaseq atorlugu nioqqutissat amerlanerusut akitsuusersorneqarsinnaaneri ataatsimiititap takorloorpaa.</p>	<p>Tamanna pillugu Naalakkersuisut maannakkut pilersaaruteqanngillat. Immersukkami ataaniittumi oqaaseqaatinut innersuussisoqarpoq.</p>

Akileraarusersueriaaseq akitsuusersuinerlu pillugit nunanut allanut sanilliussisut nalunaarusaat Inatsisartut 2003-mi ukiakkut ataatsimiinneranni (UKA 2003/15) oqallisigineqarpoq. Inatsisartut isumaqatigiittut taamanikkut Naalakkersuisut aallaavigisaannut, siparfissat allatigullu isertitaqarnissat nunguppata akileraarusiisarnerni akitsuusiisarnernilu tamani qaffaanerit periarfissat kingullerpaajunissaannut isumaqataapput. Ilutigisaanik Naalakkersuisut isumaqarput assersuutigalugu nalinginnaasumik eqqussinermi akitsuusersuineq atulersinneqassappat tamatuma ilutigisaanik allatigut iluarsiiisoqartariaqassasoq.

Taamatut isummersornermut maannakkut Naalakkersuisuusut isumaqataasinnaapput.

Ikinngutinnersumik inuulluaqqusillunga

Josef Motzfeldt